



Jamhuuriyada Somaliland
Golaha Wakiilada JSL



Warbixinta

Shir-gudoonka ee Kal-fadhigii 28^{aad}

(From 08 August 2015 to 27 September 2015)

November 2015

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28^{aad}

Ku:- Mudanayaasha Golaha Wakiilada JSL.

Ujeedo: - Warbixinta Shir-gudoonka ee kal-fadhigii 28^{aad}

Mudanayaal

Si aynu u gudano hawlaha inoo qorshaysan **kal-fadhiga 29^{aad}** ee Golaha Wakiilada oo una dardar galino, una dhameystirno hawlahii inaga baaqdey kal-fadhigii hore inagoo gudanyna Waajibaadkeena Qaran, waxaan halka idiinku soo gudbinaynaa waxqabadkii Golaha Wakiilada ee kal-fadhigii 28^{aad} oo dhamaystiran si aad u xasuusataan wax yaabihii inoo qabsoomay iyo wixii aan inoo qabsoomin.

1. Ajendihii Kal-fadhiga 28^{aad}

Ajandaha Kalfadhiga 28^{aad} ee Golaha Wakiilada.

08/08/2015

1. Warbixinta Shirgudoonka, Guddida Joogtada ah iyo Gudiyadda Golaha Wakiilada
2. Xogogaal u noqoshada Xalada Dalka
3. Mashaariicda Sharci ee Golaha Horyaal.

No.	Magaca Xeerka	Marxalada aa u marayo	Cida Gacanta ku haysa
1.	Wax-kabadedelka iyo Kaabista Xeerka Doorashooyinka Golaha Wakiilada	Gole Waynaha	Gole Waynaha
2.	Xeerka Nidamka Xukumada	Gole Waynaha	Gole Waynaha
3.	Xeerka Kufsiga iyo Xadgudbayada Jinsiga	Akhriska 1aad	Guddida Shurcda
4.	Xeerka Waxbarashada Qaranka JSL	Warbixinta W.Waxbarashada	Gudidida Arrimaha bulshada
5.	Xeerka Somaliland Road Auiltority	Akhriska 1aad	Gudidida Gaadiidka iyo Wadooyinka
6.	Xeerka Baanka Ganacsiga	Gole Waynaha	Gole Waynaha
7.	Xeerka Miisaaniyada	Golaha Weynaha	Golaha Weynaha
8.	Xeer hoosaadka Golaha Wakiilada	Waxka bedel	Guddida Joogtada

9	Xeerka Saxaafada	Akhriska 1aad	Gudidda Arrimaha Bulshada
10	Xeerka La dagaalanka Argaxisada	Warbixinta W.Arrimaha Gudhaa	Gudidda Arrimaha Gudaha
11	Xeerka Caasimada		Gole Waynaha

4. Uyeedhista Masuuliyiinta Qaranka
5. Ansixinta Masuuliyiinta Qaranka
6. Xeerarka Golaha Guurtida ka soo noqda
7. Xeerarka Madaxweynaha ka soo noqda ee aanu saxeexin.
8. Iyo Wixii kale ee soo kordha

2. Kal-fadhigii 28^{aad}

No	Kal-fadhiga	Taariikhda uu furmay	Taariikhda uu xidhmay
1.	28 ^{aad}	08/08/2015	27/09/2015

Kal-fadhigan oo Goluhu qabtey hawlo aad muhiimaoo ay ka mid ahaayeen Ansixinta Xeerarka ay ka mid ahaayeen Xeerka Nidaamka Xukuumada iyo Mooshino Golaha la keenay iyo sidoo kale Wax qabadkii Gudiyada Golaha, halkan ayaanu ku soo bandhigeynaa Wax qabadkii Kal-fadhiga 27^{aad} oo dhameysitiran si aynu u dardargalino kal-fadhiga 28^{aad}.

3. Xeerarka Goluhu ka doodey:-

No	Magaca Xeerka	Wakhtiga Dooda
1.	Xeerka Waxbarashada	22/08/2015
2.	Xeer-hoosaadka Golaha Wakiilada	05/09/2015

3. Mashaariicda Sharci ee Goluhu Ansixiyey



No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Nidaamka Xukuumada	05/05/2015	Golaha Guurtida

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28^{aad}

4. Mooshinkii Heshiiski Keydka Haamaha Shidaalka:-

Intii lagu jirey kal-fadhigii 28^{aad} fadhigiisii Fadhigii 14^{aad} ee Golaha Wakiilada taariikhdu markay aheyd 30/08/2015 waxaa Golaha la keenay ku saabsan Mooshin ku saabsan laalista Wareejinta Haamaha Shidaalka, mooshinkaas oo ay soo saxiiseen 18 Mudane, Mooshinkaas oo u jeedadiisu aheyd laalis heshiis Xukuumadu ku wareejisay Keydka Haamaha Shidaalka Berbera oo lagu wareejiyay Ganasato.



Mooshinka oo Nuxurkiisu ahaa in Mudanayaashu soo jeedinayaan laba qodob oo Mudanayaashu soo jeediyeen kuwaas oo kala ahaa:-

- ✚ Heshiiska ay Xukuumadu kootada ugu xidhay keydka Haamaha shidaalka Bebera shirkadaha gaarka loo leeyahay, maadaama aan la waafajin qeynuunka iyo shuruucda dalka u taala.
- ✚ In sida Xeerka Madaxweynuhu faraayo (Xeer No 0131) Haamaha Keydka Shidaalka toos loo hoogeeyo Wasaarada Ganacsiga miisaaniyadooduna toos uga muuqato Miisaaniyada Wasaarada Ganacsiga.

ka dib markii Mooshinka Golaha laga xaadiriyay isla markaana Mudanayaasha u akhriyeen Xildhibaanadii keenay isla fadhigan loogu codeeyay Mooshinka laalista Heshiiska, waxaana Aqlabiyada Goluhu u codeysay in la laalo Heshiiskaas, Tirada Mudanayaasha Golaha Fadhidey 55 Mudane ahaa Waxaa ogolaadey in la laalo heshiiskaas 40 Mudane, waxaana diiday 09 Mudane halka 05 Mudane ka diideen Gudoomiyuhuna aanu codeyn, sidaa darted Waxaa Goluhu Go'aan ku laaley Heshiiskaas Xukuumadu ku wareejisay Keydka Haamaha Shidaalka.

5. Xeerarka Gudiyadu Gacanta ku hayaan:-

No.	Magaca Xeerka Golaha wali horyaal	Gudidda Gacanta Ku heysa
1.	Xeerka Midaynta Cashuuraha	Gudidda Dhaqaalaha
2.	Xeerka Caymiska Qaranka	Gudidda Dhaqaalaha
3.	Xeerka Low of Establishment of Somaliland Agency	Gudidda Dhaqaalaha
4.	Xeerka Miisaaniyada Qaranka	Gudidda Dhaqaalaha
5.	Xeerka Katamada	Gudidda Dhaqaalaha
6.	Xeerka Cashuuraha Bariga	Gudidda Dhaqaalaha
7.	Xeerka Qandaraasyada	Gudidda Ilaalinta Iyo Dabagalka Hantida Qaranka
8.	Xeerka Hantidhowrka Qaranka	Gudidda Ilaalinta Iyo Dabagalka Hantida Qaranka
9.	Xeerka Shaqaalaha Dawladaha Hoose	Gudidda Arrimaha Bulshada
10.	Xeerka Saxaafada	Gudidda Arrimaha Bulshada
11.	Xeerka Ciyaaraha	Gudidda Arrimaha Bulshada
12.	Xeerka ka hortaga Argagixisada	Gudidda Arrimaha Gudaha
13.	Xeerka Doorashada Golaha Wakiilada	Gudidda Arrimaha Gudaha
14.	Wax-ka bedelka iyo Kaabista Xeerka Ciqaabta guud	Gudidda Garsoorka iyo Cadaalada
15.	Xeerka Kufsiga iyo dambiyada Galmada (rape bill)	Gudidda Garsoorka iyo Cadaalada
16.	Xeerka Hay'adda Wadooyinka	Gudidda Hawlaha Guud

6. Waxqabadka Guddi Hoosaadyada Golaha Wakiilada.

Gudidda Joogtada iyo Anshaxa

Gudidda Joogtada iyo Anshaxa Waxay Golaha u soo gudbisey 15/08/2015 Wax ka badalka Xeer-hoosaadka Golaha Wakiilada, iyagoo Golaha u soo gudibyay Lifaaq ay soo raaciyeen Xeerka oo Wax ka badalkii Gudiddu ku soo sameysay Xeerka oo Qodobaysani ku qoran yihiin, Waxaana Golaha loo qeybiyay Lifaaqa Gudidda ee Xeer-hoosaadka, waxaana Golaha ka hor akhriyay Warbixinta iyo lifaaqa Gudidda Gudoomiyaha Gudida Md. Ibraahim Mahdi Buudaa.

Gudidda Ilaalinta iyo Dabagalka Hantida Qaranka

Gudidda Ilaalinta iyo Dabagalka Hantida Qaranku waxay Kulamo kala duwan la yeelatey Masuuliyiin badan oo ka kala tirsan laamaha kala duwan ee dawlada,

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28^{aad}

masuuliyiintaas oo Guddidu ugu yeedhay Xafiiskeeda waxay ka xog-wareysaneysay Masuuliyada Wasaaradaha/Hay'addahaas kala duwan ay ka hayaan, wixii u qabsoomey iyo siday u maamulaan Miisaaniyadahooda iyo Waajibaadkooda guud, waxaana ka mid ahaa Masuuliyiintaas:-

- Wasiirka Wasaarada Ganacsiga iyo Maalgalinta Mr. Muuse Qaasin Cumar 27/08/2015.
- Wasiirka Wasaarada Arrimaha Gudaha Mr. Cali Maxamed Warancade.31/08/2015.
- Wasiirka Wasaarada Qorshaynta Qaranka Dr. Sacad Xaaji Cali Shire12/9/2015.



01/10/2015 ilaa 09/10/2015 waxay Guddidu safar shaqo ku tageen qaar ka mida gobolada dalka sida Awdal, Gabiley, Hawd, Daadmadheedh, Togdheer, Saraar, Sool, Sanaag iyo Saaxil, ujeedada safarkani waxa uu ahaa:-

- In Maamul daadejin la sameey.
- In Wasaaradihii ay Gobol kasta ka shaqeeyaan.
- In Budget loogu talo galo Gobolada dalka oo Miisaaniyada la dhaadhiciyo.



Intii Gudiddu Safarkan ku jirtey Waxay Gobol kasta kula kulmeen Maamulka Gobolka oo weheliyaan Isuduwayasha Wasaaradaha.Haya'daha Dawlada ee Gobolka iyo Golayaasha Deegaanka Degmooyinka magaalo madaxda u ah Goboladaas, iyadoo Gudiddu markii ay safarka ka soo noqotey ka diyaariyay Warbixin dheer iyo documentary film ay ka soo duubeen safarka iyo waxay ka soo qabteen Gobolada dalka.

10-19/11/2015 waxay Gudiddu Wasaaradaha Dalka ka dalbadeen isla markaana kulamo ay xaruntooda kula yeesheen kaga soo qaateen documents kala ah tirada Shaqaalaha Wasaarad kasta u jooqta Gobolada dalka, Waaranada Mushaharka ay u diraan shaqaalahooda iyo waaranada kharashaadka xafiisyada Gobolada ay u diraan, waxay 22 Wasaaradood oo la kulmeen ka soo urursadeen documentskaas.

Ujeedada ay ka lahaayeen Documentskaas ayaa daba socdey Warbixin ay Gudiddu ka diyaarineysay sida Wasaaraduhu Gobolada dalka uga shaqeyeen isla markaana ugu leeyihiin uguna diraan shaqaale, Mushaharaad iyo kharashaad ka timaada Miisaaniyada Wasaarada walba loogu ansixiyay Odooroskii Miisaaniyadii 2015ka.



Waxay Gudiddu iyadoo kaashaneysa Shaqaalaha Golaha ay diyaarisey Warbixin aad u mihiim ah ka hadleysa xadidga Wasaarad walba ka gaadhsiiso Gobolada Miisaaniyadeeda iyo siday Miisaaniyadooda u goboleeyaan waxaana ka soo baxay Warbixin dheer oo taabaneysa 22 Wasaaradood oo ka mid ah Wasaaradaha dalka

[Waaxda Hadal Qoraalka iyo Gudiyadda](#) | [Warbixinta Shir-gudoonka ee Kal-fadhigii 28^{aad}](#)

oo gudiddu dooratey.

WaxaynaGudiddu warbixintaas iyo Documentary Filmkii ay ka soo sameeyeen safarkoodii Gobolada iyo kulamadii Isuduwayaasha kala duwan ee Gobol kasta ku soo bandhigeen Xaflad weyn oo ka dhacdey Hotel Maansoor 25/11/2015, Xafladaas oo ka soo qeybgaleen Shir-gudoonka Golaha, Mudanayaasha, Wasiirada iyo Agaasimayaasha Wasaaradaha Dalka, Badhasaabada Gobolada, aqoonyahan, Saxaafada iyo Bulshada qeybaheeda kala duwan.

Waxay Warbixintaa Gudiddu ku soo bandhigtey Xog ku saabsan Wasaaradaha Miisaaniyadooda iyo Waxay Gobolada dalka ka gaadhsiyaan iyagoo soo bandhigey Wasaarad walba tirada Shaqaalaha Gobolkasta u jooga, xadiga Mushaharka ay u diraan, xadiga Kharashka ay u diraan iyo inaaney u dirinba, sidoo kale waxay ku soo bandhigeen Baahiyaha yaal Gobolada iyo siday u shaqeeyaan Isuduwayaasha Gobolada Wasaaradaha u jooga, iyadoo halkaa lagu daawadey Film documentary ah oo aad u qiiro galiyay Masuuliyiintii ka soo qeybgaley.

Xafladaas waxaa furey **Gudoomiye ku-xigeenka 1^{aad} ee Golaha Md. Baashe Maxamed Faarax**, ka **dib Md. C/qaadir Jamaac Xaamud, Md. Ibrahim Axmed Heybe iyo Md. Xuseen Ismaciil** oo Gudidda ka mid ah ayaa halkaa kaga warbixiyeen safarkoodii iyo waxyaabahey kala soo kulmeen.



Waxaana sharaxaad iyo faahfaahin ka bixiyay ujeedada xaflada iyo bandhigoodaba Gudoomiyaha Gudidda **Md. Maxamed Cali Xirsi** Wuxuuna Gudoomiyuhu halka ku soo bandhigey Wasaarad walba kaalinta ay ka gashey Goboleynta Miisaaniyadooda waxaana Wasaaradaha ugu fiican noqotey Wasaaradaha Waxbarashada, Deegaanka, Caafimaadka iyo Beeraha, halka Wasaaradaha Warfaafinta, Boosaha iyo Macdanta iyo Tamartu ka noqdeen kuwa ugu hooseeya ee

[Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28^{aad}](#)

Miisaaniyadooda Gobolada wax ka gaadhsiiya, intaa ka dibna wuxuu halkaa ka akhriyay soo jeedimaha iyo talo-bixinada Gudidda ee Warbixintaas dheer iyo Xaalada Gobolada dalka ay ku soo arkeen.

Xidhitaankii Xaflada waxaa ka Hadley Wasiirka Maaliyada Marwo. Zamzam Cabdi Aadan oo soo xidhay Xaflada, Wasiiradu waxay qirtey sida loogu baahan yahay in Miisaaniyada Gobolada la gaadhsiiyo iyadoo aad ugu mahadnaqdey Gudidda Ilaalinta iyo Dabagalka Hantida Qaranka sida xilkasnimada leh ee ay soo shaqeysay, waxay sheegtey inay aad ugu faraxdey filmkii la soo bandhigey oo ka muuqatey meelaha quruxda badan sida xafiisyada ee dadku fadhiyeen, waxayna ku boorisey in dhamaan Wasaaraduhu u tafaxeytaan sidii isuduwayasha Gobolada u jooga Miisaaniyadooda wax ugu gaadhsiiin lahaayeen, isla markaas Xafiisyo uga furan lahaayeen Gobolada oo maamulka la daadejiyo.

Gudidda Dhaqaalaha, Ganacsiga iyo Maaliyada

Gudidda dhaqaaluhu iyagoo gudanaya waajibaadkeeda Dastuurka iy oXeer-hoosaadka Goluhu siinayo, waxay kormeer shaqo ku soo martay Xarumha Dhaqaalaha kormeer kan oo ku sabasana ariimaha miisaaniyada sanadeedka 2016ka iyo hubinta inay soo baxday kutalogalkii miisaaniyada 2015, si arintaas ay u ogaatana waxay kormeero xog-ogaalnimu ku booqdeen:-

1. Haamaha Shidaalka Berbera
2. Dekeda Berbera
3. Kastamka cashuuraha Berbera
4. Kastamka cashuuraha Burco
5. Wakaalada Biyaha Hargeisa
6. Xarunta Wasaarada maaliyada JSL Hargeisa.

Sidoo kale Gudidda Dhaqaalaha, Maaliyada iyo Ganacsiga oo fulineysa Waajibaadkeeda Xeer-hoosaadka Goluhu farey iyo korjoogista laamaha Fulinta gaar ahaan kuwa dhaqaalaha waxay Kormer ku tageen Wakaalada Biyaha Hargeysa iyo Wasaarada Maaliyada oo ay kulan la yeesheen Wasiirka Wasaarada Maaliyada **Marwo. Zamsam Cabdi Aadan** Waxaanay guud ahaan isaga xaalwaramaan horumarinta dhaqaalaha dalka iyo sidii loo dardar gelin lahaa, loona dhisi lahaa nidaam Banyaal ah oo lagu xisaabtamo, lagana hawl galo sidii loo dhimi lahaa dhaqaalaha masuuliyad darada ku luma iyo musuqmaasuqa.

Sidoo kale Gudiddu iyo Wasaarada Maaliyadu waxay kawada hadleen Miisaaniyada 2016ka oo Wasaarada Maaliyadu dhameystirtey sameynteeda isla markaana dhowaan in Golaha ay u soo gudbiso la filayo ka dib marka Golaha Wasiiradu soo ansixiyo.



Guddida Kheyraadka dabiicga ah iyo Deegaanka

1-4 December Gudidda Deegaanka iyo Kheyraadka Dabiiciga ah waxay kormeer ku tagtey Gobolka Awdal Xaruntiisa Magaalada Boorame, kormeerkaas oo u jeedadiisu aheyd u kuur galida halka ay marayaan hawlaha shaqo ee laamaha Beeraha, Xoolaha, Biyaha iyo Maamulka heer Gobol iyo Degmo, kulamadaas marka laga yimaado Gudiddu waxay kormeer ku soo martey Seylada iyo Kawaanka Xoolaha iyo sidoo kale Xarumaha Gobolka ay ku leeyihiin Wasaaradaha Beeraha, Xoolaha iyo Biyaha iyo Wakaalada Biyaha SHAMBA iyadoo Maamulada iyo madaxda Xarumahaas wax ka weydiiyay siday shaqadu u socoto, waxay u baahan yihiin oo tabanayaan in wax lagala qabto si Gudiddu baahiyaha iyo xaalada laamahaas ee Gobolka Awdal ay Golaha Warbixin uga siiso.

Guddida Arrimaha Gudaha

Guddida arimaha gudaha iyo Nabadgelyada ee golaha wakiilada ayaa waxay 03-06 October 2015 kormeer shaqo ku joogeen Gobolka Saaxil magaalo madaxdiisa Berbera waxaanay kulamo gaar gaar ah la yeeshen Badhasaabka gobolka, Garsoorka gobolka , Mayorka degmada Berbera, taliyayaasha ciidamada booliska iyo asluubta taliyaha jeelka dhexe, iyo masuuliyiinta iyo shicibka ku jira Kaamka qaxoontiga lagu hakiyo ee magaalada Berbera.

Kulankan oo ay gudidu ugu kuurgalaysay xaaladaha qaxoontiga, maxaabiista, bulshada iyo garsoorka ayaa ugu soo dhamaaday si guul ah waxaanay ka soo anbabaxeen 06 october, sidoo kale gudoomiyaha gudida **Ibraahim Jaamac Cali**

[Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28aad](#)

Rayte oo metelayay gudida ayaa isna qayb ka ahaa kormeer shaqo oo Komishanka doorashooyinka xisviyada iyo baarlamaanku ku soo mareen Gobolada Bariga taas oo lagu qiimaynayay sidii doorashadu uga qabsoomi lahayd iyo baahiyaha goboladaas yaala.



Gudida ayaa waxay sidoo kale huteelka **Fish And Steak** ku qabatay kulan dhegeysi xeer (Legislative Hearing) kuna saabsan Xeerka Argagixisada, kulankan oo socday muddo saddex maalmood ah oo kala ah 09—11 August 2015 ayay ka soo qayb galeen 40 xubnood oo ka kala socday Hay'adaha Garsoorka, Qareenada, xuquuqal iinsaanka, jaamacadaha, iyo ururada rayidka ah.

Ugu danbayntiina waxa laga soo saaray talooyin iyo kaabis xeerkan ku saabsan si loogu dabaqo bulshada reer Somaliland, isla markaana waxa layskula qaatay in aan xeerkan lagu degdegin ansixintiisa.

1-4 December Gudidda Arrimaha Gudaha iyo Nabadgalyadu waxay Kormeer ku tagtey Gobolka Awdal Xaruntisa Magaalada Boorame, kormeerkaas oo ujeedadiisu aheyd u kuur galida Xaalada Nabadgalyo ee Gobolka iyo xog-ogaal u noqoshada Baahiyaha Gobolka ee laamahaas dawlada.

Intii ay ku sugneyd Magaalada Boorame waxay kulamo la yeelatey laamaha Amniga gobolka sida Booliiska, Asluubta iyo Maamulka gobolka iyo Golaha Deegaanka Degmada Boorame oo hogaaminayo Maayarka Magaaladu, intaa ka dib Gudiddu

[Waaxda Hadal Qoraalka iyo Gudiyadda](#) | [Warbixinta Shir-gudoonka ee Kal-fadhigii 28^{aad}](#)

waxay kormeer ku tagtey Saldhiga Dhexe iyo jeelka weyn,

Guddida Garsoorka, Cadaalada iyo Xuquuqal Insaanka.

5-9 December Gudidda Garsoorka, Cadaalada iyo Xuquuqal Insaanku waxay Kormeer ku tagtey Gobolka Saaxil, iyadoo kulamo la yeelatey Hay'addaha Bahda Garsoorka iyo Cadaalada isla markaana kormeer ku soo martey Jeelasha iyo Xabsiyada Magaalada Berbera.

Guddida Arrimaha Bulshada iyo Diinta:-

✚ **01 September** Gudidda Diinta iyo Arrimaha Bulshada ee Golaha Wakiilada JSL Ayaa waxay booqdeen Gobolka awdal, waxayna ugu horeyn tageen xarunta caafimaadka Degmada Dila, iskuulada waxbarasho ee dila iyo meelo kale oo uu muhiim ah adeegyada bulshada, si xildhibaanadu wax badan u ogaadaan waxayna halkasi su'aalo ku waydiiyeen mas'uuliyiinta halkaasi ay kula kulmeen. Mudanayashu waxay markii dambe usii dhaafeen degmada boorama oo ay iyana kormeereen meelo badan oo muhiim u ah u adeegida shacbiga, sida goobaha waxbarashada caafimaadka iyo xafiisyada dawlada. Ee kala duwan.

Kormeerkan oo qaatay saddex maalmood ayay gudidu dib ugu soo laabteen caasimda waxaanay ka soo saareen talooyin iyo warbixin ku salaysan xaalada bulshada ee gobolka iyo sidii kor loogu sii qaadi lahaa adeegyada dawlada u qabato shacabka.

✚ **16 September** Gudidda Arrimaha Bulshada iyo Diintu waxay Golaha u soo gudbiyeen Xeerka Waxbarashada oo gacanta ku hayeen, Waxayna Golaha hor keeneen Lifaafa Xeerka Waxbarashada ee Gudidda iyo Warbixintooda waxaana Golaha ka hor akhriyay Gudoomiyaha Gudidda Md. Xasan Cawaale Caynaan.

✚ **19 September** ayay sidoo kale waxay gudidu kulan xogwaraysi ah kula yeelatay xafiiskeeda Wasiirka wasaaradda Ciyaaraha Dhaqanka iyo Dalxiiska ee Jamhuuriyadda Somaliland, mudane, **Ahmed Cabdi Kaahin**, isagoo wasiirku warbixin kooban ka siiyey waxqavadkiisa iyo qorshaha.

✚ **1-4 December** Gudiddu waxay Kormeer ku tagtey Gobolka Tog-dheer iyadoo booqatey oo kormeer ku soo sameysay Dugsiyada Magaalada Burco, waxayna kulamo la yeelatey laamaha Waxbarashada ee Gobolka Tog-dheer.

7. Aqoon korodhsiyo, Workshops iyo Kormeero:-

Kal-fadhigii 28aad iyo intii ka dambeysay shaqaalaha Goluhu waxay qaateen tababaro dhawr ah sida:-

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28aad

- (tababar la xidhiidha **Wax-Iibsiga** (Procurement) oo uu bixinayay khabiir la-taliye dhinaca farsamada ah ee hay'adda UNDP gaar ahaan mashruuca la yidhaa taageerida Dastuurka iyo Baarlamanka, waxaanu muddo laba (2) cisho ah Barayey shaqaalaha Baarlamaanka casharo ku saabsan Procurements iyo **habsami maamulka mashaariicda**, dhinaca kale mudadii ay socday tababarkan waxaa shaqaalaha golahu uga soo xaadireen si aad u saraysa waxay ka faaidaysteen wax aad u fiican oo anfac u leh shaqada ay qaranka u hayaan.
- Waxaa kale oo ay qaateen tababar ku saaabsan **Dabagalka iyo Qiimaynta Hawlaha** (Monitoring and evaluation) oo uu bixinayey Sarkaal ka tirsan Hay'adda UNDP, waxaanu mudo laba cisho ah ku tababarayey shaqaalaha Gobolada casharo la xidhiidha monitoring and evaluation sida loogu sameeyo hawlaha shaqo ee socda ee golahu qabanayo.
- Waxa kale oo Goluhu sameeyey barnaamuj si joogto ah loo wadi doono oo Da'yarta Jaamacadaha lagu Barayo Hawlaha shaqo ee Baarlamaanka. Waxay mas'uuliyiinta Golaha wakiiladu casuumad u fidiyeen tiro kooban oo dhalinyaro ah oo ka socota jaamacada Hargeysa iyo dhawr kale oo ka yimid Dalada SONYO, si ay hal maalin baarlamaanku u tuso sida u shaqeeyo, xafiisyadiisa iyo qaabdhismeedkiisaba, waxaa casharo kala duwan siiyey dhalinyaradan xoqhayaga guud Mudane Cadbrisaq Siciid Ayanle iyo la taliyaha sharciga ee Golaha Mud. Mustafe Mohamed Dahir, dhinaca kale dhalinyaradan oo u muuqday kuwa diyaarsan oo u heelan inay wax badan ka ogaadaan sida baarlamaanku u shaqeeyo waxay su'aalo kala duwan waydiiyeen macalimiintii casharada siinaysay, waxaanay sidoo kale macalimiintu uga jawaabeen dhamaan su'aalihii ardeydu qabtey.

8. Waxyaabaha Goluhu soo kordhiyay:-

➤ Finger printing Xaadiriska Mudanayaasha iyo shaqaalaha:-

Horaantii November isagoo Xoghayaha Guud ee Goluhu ku dedaalaya sidii shaqaalaha Goluhu u gudan lahaayeen Shaqadood una ilaalin lahaayeen Wakhtiga shaqada wuxuu soo kordhiyay in Goluhu yeesho (finger Printings) lagu kaantaroolayo shaqo ka soo xaadirida Shaqaalaha iyo Mudanayaasha Golaha, finger printings oo laba ah waxaa iminka wixii ka dambeeya Goluhu kaga reysan doonaa warqadii xaadiriska Mudanayaasha iyo Shaqaalaha, waxayna fududeyneysaa in si casriya loo kantaroolo iminka wixii ka dambeeya.

Waxaana Furitaankii Fadhigan lagu bilaabay isticmaalka Fingure Printing-ka Mudanayaasha iyadoo ay xalkaa dhamaan iska xaadiriyeen Mudanayaashii ka

soo qeyb-galey fadhiga iyo Shir-gudoonka Golaha Gudoomiye C/raxman Maxamed C/laahi (Cirro), Gudomiye Ku-xigeenka 1aad Md. Basahe Maxamed Faarax iyo Gudoomiye ku-xigeenka 2aad Md. Dr. Cali Yuusuf Axmed.

9. Kormeerada:-

Xildhibaan Baar Siciid Faarax oo ka mid ah Xildhibaanada laga soo doortey Gobolka Sanaag ayaa Safar Shaqo ku tagtey Gobolkaas **05/09/2015**, safarkaas oo qaatey mudo 10 cisho ah waxaa ku weheliyay Agaasimaha Waaxda Hadal-qoraalka iyo Gudiyada ee Golaha Wakiilada, waxay Xildhibaanadu kormeer ku tagtey Xarunta Gobolka Sanaag ee Ceerigaabo intii ay Xildhibaanadu ku sugney Gobolka Sanaag Waxyaabaha ay Gobolka ka soo qabatey waxaa ka mid ahaa:-



05/09/2015 Waxay Kulan u qabatey Bulshada Magaalaca Ceerigaabo kulankaas oo u jeedadiisu aheyd kufsiga iyo Tacadiyada ka dhan ka ah Haweenka oo lagu gorfeynayay Xeerka Kufsiga oo Golaha Horyaala, waxaana ka soo qeybgalay Kulankaas 50 qof oo uu ugu horeeyo Maayor Magaalca Ceerigaabo Md. Ismaaciil X. Nuur, Haween, Dhalinayor, Cuqaal, Booliiska, Dambi-baadhista iyo Maxkamadaha Magaalaca Ceerigaabo waxaana kulankaa



[Waaxda Hadal Qoraalka iyo Gudiyadda](#) | [Warbixinta Shir-gudoonka ee Kal-fadhigii 28aad](#)

Wixii ka soo baxay kulanka:-

- In Bulshada laga soo saxo asaaska oo ah qoyska laguna soo barbaariyo caruurta dhibaataada kufisga inay tahey wax ku xaaraan ah shareecada islaamka, caqliga saliimka ahina diidayo.
- In dadka ku dhaca falkaas foosha xun la mariyo ciqaabtii shareecadu ku xukuntey in la mariyo oo ah arjum iyo dil si looga waantoomo.
- In Xeerka Golaha horyaal ciqaata ku qoran aaney Waafaqsaneyn Shareecada Islaamka oo aaney ku filnayn qofka ku caya dambi intaas oo dhan le'eg.
- In Baarlamaanku Xeerka horyaal ku daro qodobyo yareyn kara ama wax ka qaban kara korodhka dhacdadaas kufsiga ama kufsi wadareedada.
- In Madax-dhaqameedka iyo Odayaashu ka waantoomaan inay gacmaha la galaan kiis kufsi oo Bahda Cadaalada iyo Garsoorku gacanta ku hayaan si loo mariyo qofka wax geystay ciqaabtiisii dhibantana xaqaedii loo siiyo.

Sidoo kale Waxay Xildhibaanadu soo kormeertay Jeelka Magaalacada Ceergaabo, Xabsiga Dhexe, Xarunta Dabmi-baadhista iyo Cisbitaalka Guud ee Magaalada Ceergaabo iyadoo dhamaan la kulantay Taliyayaasha Goobahaas, Maxaabiista ku xidhneyd oo ay ka xogwareysatey Xaaladooda, sidoo kale Cisbitaalka waxay ku booqatey bukaan jiifka yaal iyo wax ka weydisay Maamulka Xaalada guud ee Cisbitaalka.





Xildhibaanada Safarkaas qaatey 10 cisho waxay ka diyaarisay Warbixin iyadoo u gudbsiey Baahiyaha iyo dhibaatooyinka ay soo aragtey Hay'adaha iyo laamaha dawlada ee ay khuseyso.

Gudidda Ilaalinta iyo Daba-galka Hantida Qaranka:- 01/10/2015 ilaa 09/10/2015 waxay Guddidu safar shaqo ku tageen qaar ka mida gobolada dalka sida Awdal, Gabiley, Hawd, Daadmadheedh, Togdheer, Saraar, Sool, Sanaag iyo Saaxil, ujeedada safarkani waxa uu ahaa xog-ogaal u noqoshada Xaalada Gobolada, qiimeynta Gobolada dalku waxa ka gaadha Miisaaniyada guud ee Qaranka iyo sida Maamul daadejintu Gobolada u gaadhey.



Intii Guddidu Safarkan ku jirtey Waxay Gobol kasta kula kulmeen Maamulka Gobolka oo weheliyaan Isuduwayasha Wasaaradaha.Haya'daha Dawlada ee Gobolkasta iyo Golayaasha Deegaanka Degmooyinka magaalo madaxda u ah Goboladaas.

10. Mudanayaal Cusub oo Golaha ku soo biirey:-

Intii ka dambaysay Kal-fdhigii 28aad waxaa Golaha ku soo biirey laba mudane, labadaas mudane oo kala ah **Md. Axmed Cabdi Kaahin** oo badaley **Md. Maxamed**

Waaxda Hadal Qoraalka iyo Gudiyadda | Warbixinta Shir-gudoonka ee Kal-fadhigii 28aad

Barkhad Miigane 30/03/2015 ku geeriyooday Magaalada Boorame mudadaasna aan la soo buuxin xubinamadii uu ka geeriyooday marxuumku maadama liiskii sugayaasha Xisbiga UDUB oo uu ka soo baxay sugayaashiisu dhamaadeen Mudanaha iminka buuxiyayna xiligaa hayay Xil Wasiirnimo oo uu iska casiley dhamaadkii bishii Ocotober.



Halka Mudanaha kale oo ah **Md. Ismaciil Maxamed Xasan** uu badaley **Md. Cali Xasan Maxamed (Cali-mareexaan)** oo baneeyay Xubinmadiisii Golaha ka dib markii Madaxweynuhu u magacaabay Wasiirka Wasaarada Hawlaha Guud iyo Gaadiidka, sidaa darteed labadan Mudane oo Maxkamda Sare soo dhaarisey ka dib markii Golaha Wakiiladu buuxintooda ka codsatay Komishanka Doorashooyinka Qaranka oo isna markii uu soo saarey u gudbiyay Maxkamada sare si ay u soo dhaariso buuxinta Xubinimada Golaha.

C/risaaq Siciid Ayaanle
Xoghayaha Guud ee Golaha Wakiilada JSL.
